

第一〇二冊

方輿彙編

職方典

西安府部

五〇九—五三三  
(卷)

# 古今圖書集成

中華書局影印

圖書集成  
卷一百一十五

目錄

卷一百一十五

# 古今圖書集成

中華書局影印

欽定古今圖書集成方輿彙編職方典

第五百九卷目錄

西安府部彙考十九

西安府兵制考

西安府物產考



職方典第五百九卷

西安府部彙考十九

西安府兵制考

本府

通志

西安城守副總兵一員

中軍守備一員

陝西掌印都司一員

操捕僉書一員舊設今裁

營屯僉書一員舊設今裁

提督西安統轄漢兵兼烏金趙哈管固原鎮事

一員

提督鎮標中軍參將一員

兼管中營中軍守備一員

左營遊擊一員

中軍守備一員

右營遊擊一員

中軍守備一員

外州縣

潼關參將一員

中軍守備一員

長武營遊擊一員

下馬關參將一員

中軍守備一員

邠州都司一員

金鎮關守備一員

咸寧縣志

邑之兵制在漢無考唐初更道爲軍萬年道爲

參旗軍明附郭會城兵防制在閩衛邑止設捕

盜民壯二百四十名後裁去十四名餘照所授

器械編立隊伍責撥鼓手聽捕衙操演其工食

衣械取給丁徭崇禎間以寇盜竊發練壯丁裁

主簿設練總未幾而罷屢經裁汰舊猶留馬快

八名民壯五十名今又奉文議裁凡事遇緝守

大抵藉城守兵居多

鄂縣志

鄂之地編里二十有三而爲軍寨者不可數計

軍之土著率獷悍詞訟難於勾攝民甚苦之今

依新例盡編入連環保甲

華州志

皇清初年山孽盤互流毒一方遂使通衢竟成絕徑

潼關兵道陳心竊慮之於順治乙未正月立木

城周一百八十三堵南北縱廣五十丈東西橫

闊五十丈汛防官兵三十人以潼關營把總官

領之至今賴焉

同官縣志

明正統十四年設教場於城北宣威門外正北

爲卽戎堂左爲鼓臺南爲關西精銳坊左右翼

招募民壯就本地官司率領操練遇驚調用額

設民壯八十二名今仍舊

大將軍砲四位 手銃三十一杆

鑼銃一百三杆 三眼銃一杆

鐵叉五杆 斬馬刀五把

鐵佛郎機一十五杆

飛砲一百四十個

大皮袋二百九十八個

小皮袋二百九十八個

鉛子一萬四千四百個

火藥二百斤

邠州志

原設民壯一百三十名

機兵三十名

秋操新民壯四百七十名專事防秋而設每年

上班三月餘日歸農

官軍十名

上司發下手銃六百杆

鉛子三萬個

盜五十四頂 甲五十九副

銅佛郎機三十杆

鐵佛郎機二十杆

分發宜祿鎮盜甲四副

本州民壯領盜甲十副

曉示人領盜甲四十五副

本州官造手銃二百六杆

民自造手銃五百五杆

鍾砲三百九十四杆

四門守城大砲十個

三水縣志

遊擊一員 兵二百名

分守關內道中軍守備一員

兵一百名

淳化縣志

原設民壯八十八名

秋操民壯四百一十二名

官銃九十杆 民銃二百四杆

官造鍾砲三十四杆

長武縣志

遊擊一員 舊無額設順治二年暫設守備至八年軍門孟喬芳請設遷邠州遊擊駐防長武

千總一員 把總一員

原設長武營兵一百七十五名添設馬兵三百

名步兵二百名

外委守備一員 千總一員

把總五員

弓箭四百八十副

副刀鳥鎗各二十

長鎗一百八枝 連架棍五十副

大砲十三位 三眼鎗十八杆

潼關衛志 其修各州縣志俱不載

副將一員

中軍守備一員

部銓掌印守備一員 管屯左右所千總二員

員

西安府物產考 通志州縣志合載

穀類

麥 種大小二即來牟詩貽我來牟是也漢董仲舒疏奏令民間多種宿麥秋蒔夏斂備五氣之全味故甚美又有燕麥玉麥二種然亦不多產

粟 粟穀也江東呼粟為粢按粢稷粟一物而異名又有黏粟味極軟美邑人多用以釀酒作糕

菽 豆也五色各出形殊不一黃白青黑者皆可為腐唯豌豆扁蒔者甚眾又有刀豆龍爪豆豇豆槐豆菜豆赤小豆人面豆

稻 秣也詩豐年多黍多稌又十月穫稻皆是物也又曰糯又曰秬字林糯黏稻也可釀酒秬稻不黏者又曰粳本草岐梗與稻為二物未是三川俱產有綠稜者佳

黍 爾雅翼曰以大暑而種故謂之黍孟秋熟庶人薦黍其秀舒散楚人以菰葉包黍炊而食

之謂之角黍類有數十大約飯黍酒黍兩品黏不黏而已其黑黍謂之秬其一稗二米黍謂秬

梁 爾雅翼曰粟類有毛雀畏刺眼不啄比他穀益胃但性微寒其聲為涼其米青者為青梁夏日食之清涼其米白者形如芝麻為芝麻梁

古白梁謂之芒赤梁謂之覺黃梁穗大毛長味美謂之竹根黃然赤黃一米甲稭雖有二色而其米皆白

蕎麥 味甘平寒中伏種者最上立秋後種者次之其飯法可蒸使氣饒於烈日中暴令口開使春取作飯

糜 似黍而小有酒糜飯糜一種穗舒散如衫袖其穰可作荅帚夏種秋熟先穀早收

蔬類 瓜附

苜蓿 西京雜記樂遊苑自生玫瑰樹下苜蓿一名懷風時人或謂之光風風在其間常蕭蕭然日照其花有光彩故名苜蓿為懷風茂陵人謂之連理草土人多採以作蔬

菰 西京雜記太液池邊皆是雕胡菰之有米者長安人謂為雕胡杜甫詩波漂菰米沉雲黑即其物也可作蔬

蔥 有冬漢胡三種實主明目莖白作湯治傷寒冒風根治頭痛發汗汁治瀉血解毒

韭 味辛微酸安五臟除熱可久食說文曰韭者久也一歲三割其根不傷冬種之來春復生芥 芥似菰而有毛味辛可作茹久食溫中有青紫白三種夏種秋成

馬齒莧 味酸寒無毒純陰之物圖經云根白  
葉青梗赤花黃子黑一名五行菜

蒜 爾雅云葷菜也味辛溫有小毒消穀理胃  
溫中除邪八月種次年五月收

茄 衍義曰出新羅國味甘冷不可多食  
莖苦冷微毒主補筋骨開胃驅產婦勿

食 性冷補中下氣多食破腹  
茼蒿 性平和但動風氣熏人心令氣滿不可

多食 劉禹錫嘉話錄云本自頗陵國流入中  
國語訛耳性冷微毒能解酒毒久食令人足弱

蘿蔔 味溫無毒主下氣制癆毒  
胡蘿蔔 日華子云味甘平無毒主下氣調利

腸胃 芫荽 一名胡荽味辛溫微毒消穀補臟又能  
發小兒痘疹速出

白菜 味甘溫無毒主通利腸胃消酒毒  
香菜 性辛平無毒與諸菜同食氣味香可辟

腥乾之可調羹 薺菜 生田野中味甘溫作菹羹最佳西陽雜  
俎曰薺早生主豐年

芹菜 其菜 瓜 種類最多皆蔓生味甘解暑子皆多詩云  
瓜瓞綿綿

瓠子 味苦寒有毒多食令人洩瀉先葫蘆成  
葫蘆 味甘平無毒主消水

木類

松 產南山不一種大者中棟梁細者中椽檻  
黃而油者中棺槨用按華山西南峰上有五粒  
松平如偃蓋旁有萬羅牽附長數百尺蒼翠掩  
映下產茯苓具如人形亦千百年物也

柏 數種實而香者可中棺槨產龍首原者佳  
叢而緻者曰千枝柏葉長而銳者曰刺柏園圃  
多時之又有四季柏四時皆花枝葉蒼秀如蓋

蔣牛頭寺 桑 數種葉沃者曰沃桑不實可飼蠶結樞者  
亦有黑白二種

栗 木中器用三秦記上林苑大栗十五枚一  
斗

桐 百尺直上寒翠欲滴  
楊 青白二種勁葉逐風作聲古詩朝元閣上

西風急都入長楊作雨聲 椿 二種味酸寒紅椿木香葉可為菜白椿木  
臭幹可為棟

槐 味苦葉大而黑者名槐槐花晝合夜開  
者名守宮槐葉細而青者但謂之槐作車船最

佳按雲陽公記甘泉宮北有槐樹今謂之玉槐  
樹者舊相傳即揚雄甘泉賦所謂玉樹青葱者

也 榆 種類有十葉皆相似味甘滑  
楮 俗名構一曰穀詩云爰有樹檀其下惟穀

田荒蕪久則穀自生葉有花瓣曰構可作紙  
棟 味苦殺蟲蠱花香類紫荊微白

木槿 花夜開晝合有千葉蕊者陰乾治耳閉  
楸 有山水二種木多紋理中器用

五柞 本皆連三抱上枝陰覆數十畝漢因以  
名宮

楓 似楊葉圓而岐有脂而香一名楓香隋時  
多植之

丹青樹 西京雜記終南山有樹直上百尺無  
枝上結叢條狀如車蓋一青一赤望之斑駁如

錦繡長安謂之丹青樹亦名華蓋樹  
柳 枝上長曰楊下垂曰柳花絮入水而萍生

焉斫枝栽植則生 桓竹 出南山小者曰松花竹俱中織器用

花類 牡丹 顏色甚多惟姚黃魏紫二種為最唐世  
最盛士大夫家爭植之唐羅鄴詩買栽池館恐

無地看到兒孫有幾家根可入藥味辛苦無毒  
通經除冷

芍藥 赤白二種洩脾火攻兒枕一名將離故  
贈別用此

葵 黃紅白紫色類不同葉莖亦異皆赤心向  
日亭亭直上世人多以忠臣況焉可入藥黃者

治淋紅者治客熱 菊 種色甚多一名日精一名女節一名陰成  
九月盛開有淡水之致世人以隱士況焉可入

藥味甘辛無毒除胃熱明目 萱草花 花黃葉翠蕭疎多致一名忘憂一名  
宜男按風土記孕婦佩之則生男可入藥味甘

第一〇二冊 之〇二葉

無毒安五臟常服忘憂

鳳仙 鷄冠 石竹 匾竹

金盞 薔薇 茨梅

果類

桃 花仁附三味俱苦甘平無毒其實味酸多食令人有熱他不接者雖美非本性藥中不用杏 核仁味苦溫有毒花味苦無毒實味酸多食傷筋骨

李 赤青綠黃數色仁味苦平無毒主僵仆瘀血骨痛根皮大寒主消渴實味苦除癰熱調中

棗 味甘平無毒止可生噉若乾不如晉棗按西京雜記上林苑中有弱枝玉門青華赤心諸種木堅中車輞

酸棗 生坡阪城壘墳塚間味甘平無毒入藥不如酸棗縣者為真

柿 味甘寒無毒有七德蟲蠹不生鳥雀不巢夏陰濃厚霜葉如華落葉肥大實充饑渴其木多壽而無枯杪

石榴 味甘酸無毒主燥渴多食損氣折條盤栽實有紅白二種花有千葉單葉

白果 味甘無毒生津止渴

棕子 一名軟聚為類甚多實可備饌材中車輞

柰 蘋果花紅秋子皆柰屬

梨 味甘微酸寒多食寒胃按三秦記樊川御宿間有梨大如五升瓶落地則破其取以布囊盛之名含消

葡萄 新唐書太宗破高麗收馬乳葡萄植苑中依法釀酒成綠色芳香酷烈長安始識其味兼醍醐

草類

離合草 西京雜記終南山多離合草葉似江蘿而紅綠相雜莖皆紫色氣如羅勒

積雪草 味苦寒無毒葉圓如錢大莖細勁蔓延生溪澗側擣傳熱腫丹毒不入藥用

莎草 離騷云青莎雜樹古今詩人多比興蘆 狀似竹而葉抱莖生有節無枝

葦 種水澤旁秋採以織蓆

荇菜 生川澤道旁似薺細葉俗呼為薺薺蒲 產渭川可織為蓆及蓑笠繩繩之類惜今居人不善為之止知採為炊薪及飯牛耳

藥類

甘遂 味苦性涼有毒能洩十二水腫一名陵澤二月採

地黃 生黃土者佳似車前葉上有皺紋而不光高尺餘其葉似麻紅紫色亦有黃花者味甘性冷補五臟通血脈久服令人不老

香附子 味甘微寒通經和血

車前子 生道旁味苦性冷無毒止痛利水道明目療赤腫主產難

艾 味苦主灸百病止心氣疼三月五月採水萍 味辛酸寒止暴熱身痒以沐浴生毛髮三月三日採陰乾 枸杞 味甘平無毒一名地骨詩集于菟杞

鬼草 山海經牛首之山有鬼草其葉如葵赤莖其秀如禾服之使人不憂

也

紫草 出山陽縣北山採其根以煎油沃之色白艷可染紫衣

細辛 華山頂西南隅方圓三四畝盡是細辛服之令人身體生香

雙皂莢 在驪山臨崖王女殿一帶兩角其背相合

遠志 甘遂 芫花 車前 香附 荊芥 地黃 薄荷

龍骨 瓜蒌 牽牛 艾葉 桑白皮 酸棗仁 小茴香

天仙子 蘿蔔子 地骨皮 獸類

牛 白頭黃鼻者為牛中之王農家畜此主大富純黃者為上乘

麝 出商南山形如小鹿有香埤雅麝香來射則其臍之為累也

麀 出終南諸山形如大鹿曰麀羣鹿隨之視麀尾為嚮導故古之談者揮焉

獼猴 出終南諸山唐昭宗養一猴衣以俳優服謂之猴部頭朱溫既篡引至坐側仍賜衣為俳優忽號擲自裂其衣溫叱令殺之

羴耳羊 出同州沙苑耳小如蟹其味絕美或他處羊畜於此大耳羊亦生小耳羊蓋其地服

所產然耳

羚羊 圖經出華陰山其形如羊青而大其角長一二尺有節如人手指

馬 鹿 麋 獐 羊 鹿

猪 鹿 獐 犬 狼

狸 猫 兔 狐 虎

貉

禽類

鴛鴦 味鹹平有小毒主瘰癧有定偶

鴛鴦 味鹹平無毒調精益氣鴛鴦軍中用

鴛鴦 月令田鼠化為鴛鴦味溫平益氣補中四月

鴛鴦 以前不可食俗有遊冷子奇籠鬪賭為戲

鴛鴦 味甘除腹腫暴熱生沙隄水洲色白

白鴛 治頭風腰痛悠悠水上人以此忘世君子

黃鸝 味鹹小毒治風濕脚氣毛如金黃暮春

弄聲柳陰

鷄 性溫主溫中止血丹雄鷄通神殺毒辟不

祥白雄鷄安五臟治消渴烏雄鷄療目不明

鵝 微寒主耳卒聾以膏灌之

鴨 主殺百藥毒解毒熱惟純白者佳

鵪鶉 黑白二色俱巢樹枝味甘無毒主鬼蠱諸

疰毒

雀 味甘性熱壯陽道令人有子雄者佳項下

黑多者為雌

鳩 味甘平無毒安五臟能喚雨雌鳴雨雄鳴

晴不能巢詩惟鵲有巢惟鳩居之

鵲 味甘寒下淋消熱結惟雄可用其翼左覆

右為雄右覆左為雌人謂之喜鵲

鳬 野鴨也一名鶩味甘主風虛寒熱

鴉 烏鴉反哺得仁孝之端人謂之慈烏寒鴉

頸白而小不能反哺味皆酸無毒治欬嗽骨蒸

虛勞

鴟鴞 味鹹無毒主頭風目眩顛倒痢疾

鸛鷀 味寒主治冷疾形類鸛灰色

阿濫堆 中朝故事驪山多飛禽名阿濫堆明

皇御玉笛采其聲翻為曲左右皆傳唱之播於

遠近人競以笛效吹張祐詩紅樹蕭蕭關半開

玉皇會幸此宮來至今風俗驪山下村笛猶吹

阿濫堆

燕 天鵝 鷹 鵠 鵠 鴻

鱗介類

鯉 赤色本草陳藏器曰鯉從脊當中數至尾

無大小皆三十六鱗亦成數也味甘治水腫脚

氣

鯽 似鯉色黑而體促和專作羹最良主平胃

調中

鮎 似鯽而小色黑多食傷胃

鯪 青黑色作羹食之亦能補腎氣

鯽 似鯽而細長補中氣五月五日取頭骨

燒灰止痢

鱖 白色其形長而小主除胃中熱

龜 味苦有毒與蛇交用以上吉凶

鼈 味甘平三爪者謂之能食之令人化水

蝦蟇 味辛寒有毒五月五日取乾陰東行者

良

蛇 有數種大毒主中風濕疥瘡等疾

雜類

肥蠶 山海經太華之山有蛇焉名曰肥蠶六

足四翼見則天下大旱

飛鼠 其物飛而生子難產者以皮覆之則易

故又名催生

貴妃粉 馬嵬坡上土白如粉女人面有黑點

者以水和粉洗之即除

食貨類

礬紅 出澄城縣西長閨里

漆 出華州南山

布 近日女勤織紡逐處有之出鳴嶺鎮者佳

往 荏狀如蘇研子雜米作糜甚肥美亦可榨

油和漆用

棉花 春種秋收黃花白子于成蒙茸吐出收

時最艱可紡織為布其子可榨油窮民燃燈調

菜

紅花 秋末種明春發苗夏乃花下作株多刺

花蕊出棘上人承露採之採已復出其性和血

色染紅作胭脂

芝麻 三月種九月熟味甘寒可榨為油

藍 有二種其葉大如匙鋪地無梗俗呼曰藍

葉葉小而圓莖高一二尺曰小藍俱靛染物

苧麻 苗高六七尺葉似苧而薄可包麥葉作

繩梗漚作麻或績布抄紙打繩索用

蠶 飼養作絲蠶蛾雄者主益精氣強陰道能止精

黃鼠 味甘平無毒鹽之食多發瘡

蜂 種類甚多惟釀蜜者人多收養有君臣之義焉

薪炭

出南山

石炭 明嘉靖甲辰六月民始鑿石取之至今

利焉

州縣志未詳物產按各志物產未詳者僅從羣書所載採入於後

山海經符禺之山其陽多銅其陰多鐵其上有

木焉名曰文莖其實如棗可以已聾其草多條

其狀如葵而赤花黃實如嬰兒舌食之使人不

惑符禺之水出焉而北流注于渭其獸多慈聲

其狀如羊而赤鬣其鳥多鵠其狀如翠而赤喙

可以禦火

西曰石脆之山其木多欒栴其草多條其狀如

韭而白華黑實食之已疥其陽多瑇瑁之玉其

陰多銅灌水出焉而北流注于禺水其中有流

緒以塗牛馬無病

西曰英山其上多柎樞其陰多鐵其陽多赤金

禺水出焉北流注于招水其中多鮮魚其狀如

龜其音如羊其陽多箭簳其獸多牝牛獾羊有

鳥焉其狀如鵠黃身而赤喙其名曰肥蠆食之

已癘可以殺蟲

周禮考工記鄭之刀

爾雅南方之美者有華山之金石焉

史記樂書趙高曰何必華山之騾耳而後行遠

平

新豐箭谷梨按庚肩吾啓睢陽東苑子園三尺

新豐箭谷枝懸六斤

地理志華山生文柏

本草註款冬花出雍州南山及華州十一十二

月採其花

東方朔云關中土宜薑芋按顏師古曰芋似藕

而長不圓正白可食亦有紫者杜甫詩紫收岷

嶺芋

范計然云儲薑東出三輪白色者善

晉郭璞註穆天子傳今華陰山有野牛山羊肉

皆千斤

古華山記山頂有千葉蓮花服之羽化

開元遺事興慶池南岸有草數叢葉紫而心殷

有醉人過於草旁不覺失其酒態後有醉者摘

草嗅之其酒立醒

聞見錄李文饒平泉山居草木記有藍田之龍

柏

華山志華山東南峯之北有老君菖蒲池其菖

蒲葉細如劍脊其根每寸九節服之令人強健

嶽頂西南隅有細辛服之令人體輕

華州舊志郡之柳子鎮有千家鐵匠作刀劍剪

斧之器天下寶之當事需索甚煩小民供應已

竭甚有典賣田土以給官斂時當夜半每聞哭

聲震野今盡逃散

郡之東關織方紗西關礮鋼鉢水藏作山紙泥

河治蔬菜頗足俯仰之資

移山潭水深數十丈大與郡城同多產魚蓮

嶺華州志石堤峪山居以木爲機引水舞蹈磨

榆杏雜木作香四十里間桔槔相亂亦有製造

之精者上下蓋有千輪貨甚廣

南山多漆樹人咸採之以資用其子亦可作蠟

供神極潔

符禺之麓千頃漫產朝菌大者如斗肉厚味甘

三四月間採之

欽定古今圖書集成方輿彙編職方典

第五百十卷目錄

西安府部彙考二十

西安府古蹟考一

職方典第五百十卷

西安府部彙考二十

西安府古蹟考一

本府 長安縣咸寧縣附郭

通志州縣志合載

造書臺 在長安西南二十三里三會寺中相傳倉頡造書之處

鎬京 故基在府城南三十里周武王宅于是亦謂之宗周梁載言十道志云鎬池一名元趾秦始皇毀之漢武帝穿昆明池于此地

下杜城 在府城東南十五里其城周三千一百七十五步春秋時爲杜伯國秦爲杜縣漢宣

帝時修杜之東原爲陵置杜陵縣更名此爲下杜城城西有第五橋丈八溝

中渭橋 在府城西北二十五里本名橫橋又名三橋秦始皇作離宮于渭南北渭水貫注以

象天漢橫橋南度以法牽牛廣六丈南北二百八十步七百五十柱二百二十二梁

鴻臺 秦始皇二十七年築高四十丈帝常射

鴻于臺上漢書惠帝四年長樂宮鴻臺災

周辟靡 文王辟靡在城西北四十里

靈臺 在城西北四十里文王所作以觀辰氣

察妖祥今臺基猶高二丈周二百二十步

漢辟雍 在故長安西北七里河間獻王來朝

獻雅樂武帝對之三雍宮

漢圓丘 在昆明故渠南今猶高二丈周四百

二十步

漢太學 在故長安西北七里王莽爲宰衡時

建弟子舍萬區有市有獄

漢靈臺 在故長安西北八里亦名清臺高十

五仞武帝造太初曆卽上林清臺課候

長安故城 因長安鄉而名本秦興樂宮基在

府西北二十里形似斗名北斗城漢高祖始居

長樂宮惠帝元年始大起民丁城之數年而後

訖工周六十五里高三丈五尺經緯各長三十

二里十八步地九百七十二頃八街九陌九市

十六橋十二門南面三門中曰安門東曰覆盎

西曰西安東面三門中曰清門北曰宣平南曰

霸城北面三門中曰洛門東曰廚城西曰橫門

西面三門中曰宣城南曰章城北曰雍城用龍

首山土赤如火堅如石池周廣三丈深二丈

章臺 在長安建章臺下京兆尹張敞走馬街

藁街 漢長安城中街名

柳市 細柳倉有柳市長安中大俠萬子夏居

槐市 漢元始間太學中列槐數百行諸生朔

望會市各持其土物及經書買賣議論

漸臺 在建章宮北太液池中高二十餘丈又

未央宮滄池中亦有漸臺

神明臺 在建章宮內高五十丈上有九室又

置銅仙人舒掌捧銅盤以承雲表之露

太液池 在建章宮北周迴十頃中有蓬萊方

丈瀛洲以象海中神山刻石爲魚龍鳥獸奇怪

之狀池邊皆雕莖紫籜鸞鷖鵠鵠之屬動輒成

群昭帝始元元年春黃鵠下建章宮太液池成

帝嘗以秋日與趙飛燕戲於此池以沙棠不爲

舟以雲母飾于鵲首又刻桐木爲虬龍彫飾如

真夾雲母而行以紫桂爲柁帝每憂輕蕩以

驚飛燕命伏飛之士以金鎖纜雲舟于波上每

輕風時至帝以翠縷結飛燕之裾今池中尚有

避風臺卽飛燕結裾之所西有小池名孤樹池

洲上一枯樹大十餘圍望之如蓋

影娥池 在建章宮武帝鑿以甃月其旁起望

鵲臺影入池中使宮人乘舟弄月影亦名眺蟾

臺

昆明池 在長安縣西南三十里地名鵲鵲莊

周迴四十里漢武帝元符九年欲伐昆明鑿池

以習水戰滅隴西上郡戊卒之半穿之得黑灰

上問東方朔朔曰西域僧人知之後問僧人曰

刳餘之灰也中置戈船樓船百艘上建戈矛四

角垂幡旄旄作豫章大船可載萬人又刻石爲

鯨魚長三丈每風雷常鳴吼鬚尾皆動立石牽

池中張鳳蓋建華旗作權歌雜以鼓吹帝御豫章船臨觀焉池至姚興時竭唐德宗貞元十三年命京兆尹韓皋浚之追尋漢制引交水澧水合流入池今廢爲民田

百子池 七月七日戚夫人侍高祖臨百子池作于闐樂以五色縷相羈謂之相連愛正月上辰出池邊盥濯食蓬餌以祓妖邪二月上巳張樂于池上八月四日出雕房北戶竹園下圍碁勝者終年有福取絲縷就北辰求長命九月九日佩茱萸飲菊花酒令人長壽趙王如意年幼使趙溫傳之號養德宮

十池 上林苑有初池廢池牛首池剗池積草池東陂池西陂池當路池犬臺池即池積草池中有珊瑚樹高一丈二尺一本三柯上有四百六十二條南越王趙佗所獻號爲烽火樹雁鵞陂 地方六項承昆明下流在鎬池北沈約詩云西臨雁鵞陂

下馬陵 在咸寧縣南半里懸脂坡武帝幸宜春苑每至此下馬時謂之下馬陵歲遠訛爲駭墓陵

樊川 在故長安南杜縣之樊鄉高帝以樊噲灌廢丘有功封食邑于此卽後寬川也又名華嚴川其南又有御宿川  
霸陵廢縣 在府城東北二十五里霸水之東本秦穆公芷陽漢文帝霸陵在其地因置縣  
南陵廢縣 在府城東南二十四里白鹿原上薄太后南陵在此文帝七年置縣

杜陵廢縣 在府城東南一十五里宣帝以杜東原上爲陵初置縣曰杜陵謂之東杜路軫廐 在未央宮掌宮中輿馬亦曰未央廐東陵瓜田 邵平種瓜處在故長安青門外

琳池 在故長安城中昭帝元始元年穿此池廣千步池南起桂臺以望遠池中植菱荷一莖四葉狀如軒蓋每遊燕出入或剪以爲衣或折以障日帝命水嬉以文梓爲船木蘭爲柁刻飛鸞翔鶴飾于船首隨風輕漢畢景志歸千人聚 在府治東南金城坊漢宣帝葬衛思后于此以倡優雜伎千人樂其園

靈金藏 漢太上皇佩刀長三尺上銘字難識後賜高祖定天下藏于寶庫守者見白氣如雲有龍蛇狀呂后名曰靈金藏  
漢丞相府 西京雜記平津侯公孫弘自以布衣爲丞相乃大開東閣營客館于丞相府後黃霸爲相神雀飛集府上

漢司隸府 司隸府治故府卽武帝廟漢中尉府 中尉府在尚官冠里街東波若臺 姚興集沙門五千餘人起造浮圖于末貴里立波若臺  
露門學 周武帝天和七年于露門學置生員七十二人宣帝大象二十七年親行釋奠之禮于此  
隋大興城 開皇十二年于漢故東南包據龍首原爲新都名大興  
隋大社 在皇城含光門西南其門額隋平陳

時得晉王右軍所題後以粉墨模之  
唐京城 卽隋大興城內外凡三里東西一十八里一百一十五步南北一十五里一百七十五步周六十七里城門十南面門三曰明德啓夏安化東面門三曰通化春明延興西面門三曰開遠金光延平北面門一曰光化其坊市總一百一十區萬年長安以朱雀街爲界

皇城 亦曰子城東西五里一百一十五步南北三里一百四十一步南北七街東西五街並列臺省與衛承天門外有東西大街南北廣三百步南街之南有南北大街東西廣百步分別府寺不許雜居其城南面門四中爲朱雀東爲安上西爲含光又西爲景風北面東北隅爲延喜

宮城 東西四里南北二里二百七十步周十三里一百八十步崇三丈五尺門四中承天西廣運又西爲永安西南隅爲順蒙西內中書省 在右延明門西南西內門下省 在左延明門東南

司寶庫 在凌煙閣之東  
海池 有四在西內一在毬塲亭之東一在咸池殿之東一在望雲亭之北  
四監 苑南曰大樂監北曰舊宅監東曰東監西曰西監四監分掌景曜門東曰芳林門西曰光化門東面二門南曰光泰門北曰昭遠門西面二門南曰延秋門北曰元武門景龍二年二月太宗及皇后幸元武門觀宮女跋河爲宮市

以墮即此北面三門中曰啓運門東曰飲馬門西曰永泰門

凝碧池 在唐禁苑安祿山引黎園弟子數百人大會凝碧池敬宗時幸凝碧池令軍士取魚長大者送新浚池按王維爲祿山所得賦凝碧池詩甚悲後賊平以詩聞維得減論還太子中允

東內中書省 在月華門西省西南北街南出昭慶門南當光範門昭慶門北曰光順門

殿中內省 在中書省北

景龍池 在長安城東即興慶池本平地垂拱後因雨水流濬成小池後因分龍首渠水灌之日以滋廣瀾互數頃澄泓皎潔有雲氣或見黃龍出其中因謂之龍池明皇嘗取洞庭鯉魚養池中以爲餽日以遊宴

九曲池 在興慶池西唐寧王山池引興慶池水西流疏鑿屈曲連環爲九曲池上疊石爲山上植松柏有落微岩棲龍岫奇石異木珍禽怪獸畢具焉又有鶴洲仙渚殿宇相連王與宮人賓客宴飲弋釣其中

唐園丘 明德門東南一里有更衣殿又東南一里有圓丘高一百二十尺周迴三百六十步分三級十二分野俗呼爲壇塚

唐太學 貞觀四年立在務本坊領國子太學四門書律算六門黃巢亂皆爲灰燼獨國子監石經存焉今在西安府學中

司天臺 在長安外郭城東南八里永寧坊乾

元元年改太史監爲臺高一百二十尺前有太歲廟臺雖摧崩其址猶高五六十尺

朱雀街 京城中街也貫分南北四面坊里衢道皆分方命位從此可識其處

社壇 在長安縣西南五里光德坊

新城 即劉宋奉元路府治也唐天祐元年朱全忠還昭宗于洛毀長安宮室百司廬舍匡國節度使韓建遂去宮城又去外郭城重修子城南開朱雀門又開延喜安福門北開元武門是謂新城其城制內外二重門各三重

御井 長安志善和坊有井水味甘美唐時以供內廚

定昆池 安樂公主西莊也在延平門外景龍初命司農卿趙履溫爲公主蔬園植果中列臺榭棟宇相屬又勅將少監楊務廉引水作沼延十數里號定昆池

曲江 在府城東南十里秦曰陞州漢爲樂遊苑皆下杜之宜春也基地最高隋營京城宇文愷以其地在城東南隅鑿池以厭勝之會黃渠水自城外南來可穿城而入遂從城外包之長安中太平公主于原上置亭遊宴後賜寧申岐薛王正月晦日三月三日九月九日京城士女咸爲祓禊帝幕雲布車馬填溢南即芙蓉園西即杏園慈恩寺花卉環周煙水明媚都人遊賞盛于中和上巳節錫宴臣僚賜太常教坊樂池備綵舟傾動皇州以爲盛觀太和元年文宗發左右神策軍各一千五百人淘曲江修紫雲樓

采霞亭今池乾呼爲池底

丈八溝 在京兆西南一十五里乃漕河岸最深處長楊高柳蓮塘花圃竹徑稻塍爲勝遊地

韋曲 在府城南二十里自漢以來諸韋居之至唐屬韋安石別業極林泉花木之勝三秦記云在皇子陂之西

蘭陵里 西去杜祠九里唐蕭氏之盛與唐終始故名其里

木塔 西去杜祠十餘里與昆明池近唐以京城西北地微下乃于永陽坊莊嚴寺建木浮圖高三百尺周一百二十步今其地謂木塔寺

皇甫村 在神禾原之陽鎬水北皇甫別業也杜曲 唐岐公佑郊居山水形勝草木花鳥爲最佑以太保致仕與昆仲時賢遊其間杜固謂之南杜杜曲謂之北杜韋杜二氏歷代顯仕唐人語曰城南韋杜去天尺五在府城南三十里

韋曲東十里

杜固 在杜曲南諸杜所居謂之南杜有壯氣衣冠獨盛杜正倫居北杜求同于南杜不許及正倫執政建言鑿杜固水以利人自是南杜稍不顯所鑿之處崖壘今尙存俗呼爲鳳凰嘴

朱傅村 去杜祠三里朱傅丞相故里也在華嚴寺下北倚少陵下瞰終南

神禾原 在御宿川北東西三十里後晉天福六年生禾一穗重六斤唐末有蓮花洞在此即鄭駙馬之居

灊橋 灊灊橋在故長安城東二十里灊店南

第一〇二冊 之〇五葉

北兩橋以通新豐道西京送行者多至此折柳贈別亦名銷魂橋唐蒲陵橋在京兆通化門東二十五里隋開皇三年造元時山東唐邑人劉斌修築堅固凡一十五空長八十餘步闊二十四尺中分三軌旁翼兩欄有華表鯨頭鼉首築堤五里栽柳萬株遊人肩摩轂擊爲長安之壯觀明成化六年布政使余子俊增修

雁塔 在府城南十里乃唐慈恩寺西浮圖院也亦名會要塔沙門元奘先起五層永徽中武后與王公重加營造至七層崇三百尺四周有纏腰唐新進士同榜題名于塔上有行次之列故名雁塔祿山亂後龍池水涸庚子歲始引龍首渠水灌池至壬寅池水澄泓四無映帶惟見雁塔影倒蘸于池中遊觀者無數

鳴鑼鎮 在兩川口有漢武鳴鑼泉朱姬洞深遠透樊川花卉竹木有光祿大夫張太尉別墅號曰小南山泉脉交流水動碾磨

皇清順治間建爲寺

放生池 卽蓮花池故址在最樂園東北二里許當其盛時綠方塘碧波數頃綵舟映帶鷗鷺隨行後池涸

皇清巡撫賈漢復引三渠水貫流城中資民汲飲尋

建放生院因其窪下重鑿此池遂易今名

曲臺宮 秦始皇所治漢之未央卽其地  
阿房宮 亦曰阿城秦惠文王造宮未成而亡始皇廣其宮恢宏三百餘里離宮別館彌山跨谷輦道相屬表南山之巔以爲闕前殿東西五十丈南北五十丈上可坐萬人下建十丈旗以木蘭爲梁磁石爲門周馳爲複道度渭屬之咸陽以象天極閣道抵營室謂之天漢斗牛城卽三十五年營作朝宮于渭南上林苑者也

長信宮 秦始皇作長信宮于渭水之南通驪山在漢長樂宮中成帝母王太后居長信宮班婕妤求退處養太后作賦自傷后宮在西秋之象也秋主信故宮殿皆以長信長秋爲名

北闕 漢書未央殿雖南向而尚書奏事謁見皆詣北闕公車司馬亦在焉是則以北闕爲正門而又有東門東闕至于西南兩面無門闕矣蓋蕭何初立宮以厭勝之術理宜然乎

漢明堂 在故長安西南七里武帝建元元年議立明堂于城內以朝諸侯至王莽增修益大

長樂宮 本秦興樂宮也在舊長安城東高皇帝始居櫟陽七年長樂宮成徙居之周廻二十里前殿東西四十九丈七尺兩疏中三十五丈深十二丈有臨華溫室長信長秋永壽永寧漢太后常居之宮前銅人二曾前有銘李斯篆宣帝元康四年神爵以萬數集長樂宮五鳳三年

鸞鳳集長樂宮東闕樹下

未央宮 在舊長安城西南隅漢高祖七年蕭

何造未央宮立東闕北闕前殿武庫太倉周廻

二十八里前殿東西五十丈深十五丈高三十五丈至武帝以木蘭爲枅椽文杏爲梁柱金鋪玉戶華棖璧瑤雕楹玉砌重軒鐵檻青瑣丹墀左城右平黃金爲壁帶間以珍玉風至其聲玲瓏其中臺殿四十三其三十二在外其十一在後宮池十三山六門闔九十五唐貞觀七年帝從太上皇置酒故漢未央宮按更始時未央已焚至貞觀幾八百年何爲尚有未央考石虎建武十一年發雅梁十六萬人城長安未央宮又

隋文帝移都大興城因其遺址增修宮側未央池至唐敬宗寶曆三年修未央宮掘地得白玉牀武宗會昌元年至未央宮見其遺址詔葺之總三百四十有九間作正殿曰通光故呂圖易未央宮爲通光殿因會昌所名也按黃圖及長安志未央自有通光殿則通光之名亦採舊名耳按二秦記未央一名紫微宮關中記未央宮周旋三十三里街道十七里宮殿及臺皆疏龍首山上以作之殿基出長安城上宮東有鸞鸞

殿

宣室 未央前殿正室也淮南子謂周亦有宣室漢取舊名文帝受釐宣室夜半前席賈生問鬼神之事王莽地皇四年城中少年朱弟張魚等燒宮莽避火宣室前殿火輒隨之

溫室 在未央宮北漢武帝建冬處之溫煖也西京雜記溫室以椒塗壁香桂爲柱設火齊屏風鴻羽帳規地以屬賓觀餽漢書京房奏考課

吏法上令公卿朝臣會議溫室

清涼殿 在未央宮夏居之則清涼董偃常臥延清之室以畫石牀文如錦紫瑠璃帳以紫玉爲盤如屈龍皆用雜寶飾之

猗蘭殿 在未央宮皇后所居即椒房殿也七月七日王美人生漢武帝于猗蘭殿未生時景帝夢赤龍從雲中下崇芳閣覺而坐閣見赤氣如蔽戶牖望閣上有丹霞翳鬱遂改崇芳閣爲猗蘭殿

麒麟閣 在未央宮內漢武帝時獲麒麟乃作閣在殿旁甘露三年宣帝思股肱之臣圖畫其形於麒麟閣

天祿閣 在未央殿北天祿異獸也劉向嘗校書于上太乙燃藜以照之

石渠閣 在未央殿北碧石爲渠中藏蕭何所得秦世圖籍甘露中五經諸儒雜論于此

白虎門 前殿直下椒除西出長秋門未央宮內門也皆未央後宮

金馬門 在未央宮漢武帝得大宛馬以銅鑄像立于署門因以爲名東方朔主父偃待詔金馬門即此

承明殿 在石渠閣外諸儒著述直宿之所漢武帝謂嚴助曰君厭承明之廬即此

金華殿 在未央宮內漢成帝召鄭寬中張禹說尚書論語于金華殿中

昭陽殿 在未央宮中趙皇后所居也其中庭形朱而殿上髹漆砌皆銅沓黃金塗白玉堦壁

帶往往爲黃金鉅函藍田璧明珠翠羽飾之窻戶扇多是琉璃皆通照毛髮不得藏棧桷刻作蛇龍縈繞其間鱗甲分明

柏梁臺 在漢未央宮北闕內漢武帝元鼎初起以香柏爲之嘗詔群臣能爲七言者乃得上坐

建章宮 在舊長安城西漢武帝營造日廣以城爲小乃于未央宮西跨城池作飛閣通建章宮度爲千門萬戶其東則鳳闕高二十餘丈右神明臺門內北別起風閣對峙并幹樓高五十丈輦道相屬南有玉堂壁門三層臺高二十丈玉堂內殿十二門階陛皆玉爲之鑄銅鳳高五丈飾黃金樓屋上下有轉樞向風若翔又西有葡萄宮哀帝元壽二年以太歲厭勝所在因起此宮

奇華殿 在建章宮旁四海器服珍寶火流布切玉刀巨象大雀獅子宮馬充塞其中

鼓簧宮 在建章宮西北周匝百三十六步

上林苑 秦舊苑也漢武帝建元三年開上林苑東南至藍田宜春鼎湖御宿昆吾傍南山而西至長楊五柞北繞黃山灝渭水而東周袤三百里離宮七十所養白鸞鵠紫鸞鸞鵠牛青兕江鷗海鶴孕雛產殼延漫林池奇樹異草靡不培植中有蘭觀平樂觀魚臺犬臺獸園有令有尉掌禽獸簿記其名數而官館之事屬水衡

飛廉觀 在上林苑漢武帝元封二年作高四十丈飛廉神禽能致風氣者身似鹿頭如雀有

角而蛇尾文如豹武帝命以銅鑄置觀上因以爲名

桂宮 在未央宮漸臺西北漢武帝造周廻十餘里有光明殿皆金玉珠璣爲簾箔晝夜光明西京雜記武帝爲七寶牀雜寶案厠寶屏風列寶帳設于桂宮時人謂四寶宮

漢掖庭 西京雜記漢掖庭有丹景臺雲光九華鳴鸞三殿及開襟閣臨池觀皆繁華窈窕之所樓宿漢綠女常以七月七日夜穿七孔針于開襟閣

細柳觀 在故長安西北漢文帝時大將軍周亞夫軍于細柳今呼爲古微

北宮 在未央宮北周廻十里漢高祖時創孝武增修之前殿廣五十步珠簾玉戶如桂宮

壽宮 近北宮漢武帝張羽旗設供具以禮神君神君來則肅然風生帷帳皆動

明光宮 漢武帝太初四年起在長樂宮後成都侯商欲避暑從上借明光宮程大昌雜錄云漢有明光宮三一在北宮南與長樂相連者武帝太初四年起即王商之所借以避暑者別有明光宮在甘泉宮中亦武帝所起發燕趙美女三千人充之至尚書郎主作文書起草更置建禮門內則近明光殿矣約其方鄉必在正宮殿中不與北宮甘泉設爲奇玩者比也

鈞弋宮 在直門南漢武帝召見河間趙氏于其手中得玉鈞娘十四月而庄昭帝乃命其門曰堯母門宮曰鈞弋宮

扶荔宮 在上林苑中漢武帝元鼎六年破南越起扶荔宮以植所得奇草異木葛蒲百本山薑十本甘蕉十二本畱求子十本桂百本密香指甲花百本龍眼荔枝檳榔橄欖千歲柑橘皆百本土木南北異宜時多枯瘁後數歲偶二三株稍茂終無華實帝亦珍惜之

太乙宮 在府城南五十里太乙山谷中漢元封初南山谷間雲氣融結陰翳成象武帝于此建宮

儲元宮 在漢長安城西信都太后與信都王俱居儲元宮

承華殿 在上林苑漢武帝故事云七月七日上林承華齋中忽有一青鳥從北來帝問東方朔朔云此侍者許飛瓊也

宣曲宮 在昆明池西漢孝宣帝曉音律常于此度曲因以為名

昭臺宮 在上林苑中漢孝宣霍皇后立五年廢處昭臺宮

長門宮 在故長安城東漢孝武陳皇后得幸頗妒後退居長門宮

犬臺宮 在故長安西二十八里上林苑中江充召見犬臺宮

逍遙宮 後秦姚興嘗于逍遙園引諸沙門聽鳩摩羅什演譯佛經起逍遙宮左右有樓閣高百尺

顯仁宮 隋大業元年三月于皂澗營顯仁宮

大安宮 在宮城西唐太宗初居承乾殿武德

五年以秦王功高建號弘義宮以居之貞觀三年太上皇徙而居之改名大安宮  
掖庭宮 宮城東西四里南即皇城抵苑掖庭西門唐貞觀二年勅左丞戴胄於掖庭西門簡宮人出入按掖庭宮蓋高祖所起宮人教藝之所

宜春宮 在嘉德門東北有宜春門  
宜秋宮 在嘉德門西北

九曲宮 即魚藻宮去宮城十二里在左右神策軍後唐貞觀十二年詔浚魚藻池深一丈引灋水天濠水漲之以觀競渡王建宮詞魚藻宮中鎖翠娥蓋指此

東內大明宮 大明宮在禁內之東南接京城之北面西接宮城之東北隅唐貞觀八年置為永安宮九年改為大明宮以備太上皇清暑龍朔二年改蓬萊宮以殿後蓬萊池為名也有長生殿含象含涼殿咸亨元年改蓬萊宮為含光宮長安元年復曰大明宮初高祖使司農少卿梁存仁制造北據高原南望東垣每晴天霽景

視南山如指掌官城坊市俯而窺焉其地南北五里東西三里南面五門正南曰丹鳳門東曰望仙門次東曰延政門丹鳳門西曰建福門次西曰興安門東面一門曰太和門南面一門曰營室門北曰元武門德宗造樓門外設兩廊宿衛謂之北衙

上陽宮 在大明宮西唐武后傳位太子徙居上陽宮

興泰宮 唐大足四年天后建

南內興慶宮 在府城東南五里距外郭城東垣唐明皇潛邸在焉以在太極宮東南故謂南內正門西向曰興慶門正西曰金明門南曰通陽門興慶殿在焉西南隅曰勤政務本樓南向以修政事每歲千秋節醺飲樓前其西花萼相輝樓寧薛諸王邸第相望勤政樓北大同殿在焉東北曰金花門新射殿金花落在焉開元二十年築夾城通芙蓉園自大明宮夾東羅城複道由安化安興門次經春明延喜門直達曲江入青龍寺而外人不知

望春宮 在府城東十里灋水西岸隋文帝建亦名望春亭唐天寶元年韋堅因古迹堰渭水絕灋瀾為潭東注永豐倉下以便漕運名廣運潭

二世宮 本秦二世宮久廢今訛二十空

太極殿 晉愍帝宮在長安南門符堅即位于太極前殿後姚興重建殿上有金井隋唐之太極殿本此

乾安殿 後周孝閔帝即位御乾安殿班賞群臣

延壽殿 周明帝元年九月朝群臣于延壽殿觀德殿 隋開皇三年文帝疾愈享百僚于觀德殿賜錢帛皆任其自取盡力而出

大興殿 南門為昭陽門東門為建春門北門為乾福門隋大業六年奏角觝大戲于端門街奇技異藝畢集煬帝數微服觀之

西內太極殿 卽隋之大興宮也唐龍朔後天子嘗居大明宮乃謂此宮曰西內神龍元年改曰太極宮南面六門南曰順天後改承天東爲長樂門又東爲廣門內有左藏庫後爲中書省西北爲武庫北入安仁門又北肅章門內入宮中廣門之東爲重福門重福門東爲永春門承天門西爲未安門東曰鳳凰門卽隋通訓門西二門曰通明嘉猷北二門曰定武安禮北曰太極卽隋大興門太極殿爲西內正殿名爲中朝東廊有左延明門西廊有右延明門太極門外承天門之內曰嘉德門

兩儀殿 在太極殿後卽隋中華殿西有萬春殿千秋殿左有獻春門右有宣秋門

甘露殿 在兩儀殿北門外有東西永巷東出橫門爲日華門西出橫門爲月華門唐明皇自蜀回還居西內甘露殿東有神龍延恩萬春千秋承恩立政大吉諸殿

神龍殿 在甘露殿之東前有神龍門其西有佛光寺

武德殿 在神龍殿前其南有武德西門唐肅宗延和元年皇太子御武德殿除三品以下官承香殿 在延嘉殿北東卽元武門北入苑

百福殿 在百福門內唐宣宗改雍和殿

安仁殿 在甘露殿西其前有安仁門後有歸真觀

淑景殿 在絲綵院西殿西有第三落次西有第四落又次西有第五落

延嘉殿 在甘露殿南有金水河北流入苑凝陰殿 在紫雲閣西唐天寶七載明皇於此令華清天師祀鏡龍遂得甘露

垂拱殿 在大安宮唐貞觀九年五月太上皇崩於垂拱前殿

翠華殿 在大安宮東北遺址尚存俗云祭酒臺

麗正殿 在右春坊內唐開元初改爲集仙殿十三年又改集賢殿

東宮明德殿 東宮正殿也本名顯德殿後避中宗諱改今名殿東廊左嘉善門南有嘉德門重明門明皇帝講武於此

通光殿 去宮城二十一里卽漢未央舊地唐復修之其正殿曰通光殿東爲紹芳亭西爲凝思亭前爲端明唐武宗立命翰林學士裴素撰記

永安殿 在東西北垣門有日營門月營門其北重元門

含元殿 丹鳳門內當中正殿也卽龍首山之東麓階基高平地四十餘尺南去丹鳳門四十餘步東西廣五百步東南有翔鸞閣西南有棲鳳閣與殿飛廊相接左右有砌道盤上謂之龍尾夾道東有通乾門西有觀象門

宣政殿 在大明宮宣政門內殿東有東上閣門西有西上閣門殿前東廊曰日華門西廊曰月華門唐乾元元年元宗御宣政殿授肅宗傳國受命寶符

紫宸殿 在宣政殿北紫宸門內卽內衙正殿也

蓬萊殿 在紫宸殿北唐敬宗時會沙門道士於此賜食給茶絹

金鑾殿 在宣政殿北唐明皇於此召見李白論當世事奏頌一篇帝賜食親爲調羹詔供奉翰林

長安殿 在金鑾殿西南唐肅宗收京師新作九廟主於長安殿安置

仙居殿 在長安殿北

麟德殿 在仙居殿西北此殿三面故亦名三殿南有閣東西有結綺鸞儀二樓殿北相連各有障日閣凡內宴多在此殿唐長慶元年穆宗觀樂於是殿

延英殿 在宣政殿次東唐肅宗時梁上生玉芝一莖三葉後改靈芝殿爲宰相啓事之所相對有思政殿

咸泰殿 唐文宗開成三年正月望夜燃燈於咸泰殿中三宮太后諸王公主俱集此宴行家入禮以爲歡

宣和殿 唐寶曆三年敬宗觀百戲於此殿紫微殿 唐貞觀末阿史那社爾平龜茲獻俘於此殿

平樂館 在上林苑漢武帝元封六年京城民觀角觝於上林平樂館王莽散城西苑中宮館凡十餘所取其材瓦以起九廟

虎圈館 在上林苑漢文帝登虎圈問上林尉

禽獸簿郡國志云虎園在通化門東二十五里博望苑在府城北五里漢武帝爲太子開博望苑以通賓客

御宿苑在長安城南御宿川中漢武帝爲離宮別館禁禦人不得入往來遊觀止宿其中故曰御宿

宜春苑在長安東南隅曲江東近下杜上蘭觀在上林苑王莽請元后校獵上蘭涼風臺在長安故城西關輔記曰建章宮北作涼風臺積木爲樓

樂遊苑在杜陵西北漢宣帝神爵三年春起一名鴻固原

甲觀在太子宮中謂之甲觀畫堂

蘭館按一統志漢上林苑中有蘭館養蠶之所

織室在未央宮織作文繡郊廟之服有令史涿木觀在上林苑成帝許美人居上林涿木觀

曝衣閣在太液池西七月七日宮女出后衣登樓曝之

雌曉閣在建章宮次門女關也在圓關門內二百步

來賓館秦苻堅永和十年置來賓館於平朔門

逍遙觀西魏孝文帝嘗登此觀望逍遙園見嵯峨山慨然謂左右曰望見此山令人有脫塵

之

西苑隋煬帝大業元年築西苑周二百里其內爲池周十餘里爲三神山出水百餘尺臺觀宮殿羅列山上北有龍鱗渠縈紆注池內緣渠作十六院門皆臨渠每院以四品夫人主之

大興苑在宮城之北即北苑也隋煬帝於景華宮徵螢火得數斛夜出遊山放之光徧岩谷弘文館在門下省東唐武德四年置聚天下書籍貞觀六年選朝官有才學者以充學士九年改爲昭文館開元七年復舊

西內史館在門下省北唐貞觀三年置祕書內省以修五代史又置史館以編國史

東內苑南北二里與大明宮城齊南即延政門北即銀臺門東即太和門

櫻桃園在禁苑之南又有東西蒲萄園雲韶院在禁苑之南

凌煙閣在西內三清殿側唐貞觀十七年於閣上圖畫功臣皆北向太宗爲贊褚遂良書閣立本畫

紫雲閣在延英殿東閣南北千步南至尚食院西北盡宮城

禁苑在宮城北即隋之大興苑也周一百二十里東西二十七里南北三十二里東接灊水西據長安故城繞出太極宮之南故苑之南牆與宮城相齊北枕渭水苑中宮亭二十四所

內苑在啓運門之南苑門三北曰重元門東曰東雲龍門西曰西雲龍門

鸞壇亭在苑之東皇后祀先鸞之亭

光範門在大明宮含元殿之西韓愈上宰相書伏光範門外以宰相退朝必出此也漢制入司馬門方是禁中而光範門尚在含元殿外承天門內旁有登聞鼓有籍無籍皆得入

九仙門麟德殿次北曰翰林門翰林門北曰九仙門唐寶應元年李輔國迎太子見群臣於九仙門

沈香亭在景龍池唐天寶三載李白供奉翰林禁中初種木芍藥得四本紅紫淺紅通白者移植興慶池東沈香亭

金液門唐貞觀二十一年詔皇太子聽政於金液門

井幹樓按一統志在府城西北漢建章宮南高五十丈武帝建張衡賦井幹壘而百層即此明水園在故長安城內隸舊宅監

諮議堂按一統志在府城西北後秦姚興嘗臨此堂聽斷獄訟

陳內史館在弘文館東南北街南出舍驢門南曰昭訓門北曰崇明門

東內弘文館在門下省東

政事堂在東省屬門下唐中宗後徙堂於中書省

太液亭蓬萊殿後有含涼殿太液池太液亭唐穆宗時命侍講韋處厚等入此亭講詩尚書文宗又命纂集尚書中君臣事蹟令工匠刻於太液亭以備觀覽

左右銀臺門在宮城東西面

翰林院 在麟德殿次北翰林門內其門高大重復號爲複門入門直西爲學士院有兩廳南北相對各自爲門廳前階砌花磚爲道

十六宅百孫院 在安國寺東附苑城爲大宅分處慶忠棟鄂榮儀台頤永濟十王後盛壽陳豐常涼六王又就封入內宅是爲十六宅後以諸孫成長又置百孫院

奉誠園 在舊安邑坊本馬燧子暢以貨甲天下唐貞元末獻第爲奉誠園

曲江亭 在曲江池西南唐時宴進士處

芙蓉苑 在曲江池西南即秦宜春院唐人謂之南苑

杏園 在曲江池西唐進士宴集於此

汾陽王宅 在親仁坊宅居其坊地四分之一家人三千出入不知其居

西平王宅 在永崇坊唐興元元年賜晟永崇里甲第詔宰相諸郎將會送特賜女樂八人錦綵銀器令教坊太常備樂京兆府俱具鼓吹迎導以爲榮觀

薛繪宅 在勝業坊繪爲銀青光祿大夫兄弟子姪數十人同居一曲烟黛清華冠冕茂盛人謂之薛曲

張延師宅 在安邑坊延師爲左衛大將軍范陽公兄弟三人同時三品一宅之中榮戟齊列人謂之三戟張家

馮宿宅 在親仁坊宿從子衮爲給事中宅南有山林池亭多養鵝鴨及雜禽之數常遣一家

人主之謂之鳥省

顏師古宅 在敦化坊師古南朝舊族又太常少卿歐陽詢著作郎沈越賓亦住此坊人呼此坊爲吳兒坊

寇萊公宅 在府城掖庭街中有山池熙熙臺後廢爲寺

張中孚宅 在府城草場街宅中有願真堂後廢爲錢監元時爲利用倉

就國夫人宅 在宣陽坊本韋嗣立舊宅就國夫人於此造合歡臺所費二千萬

韓莊 韓退之城南別墅也在韋曲東孟郊張籍嘗於此泛舟第五橋在其西南即鄭虔故居又其西有塔坡即何將軍山林今廢其地有浮圖產稻極美土人謂之塔坡米南塘即下塔坡

賁莊 在焦載川北枕白鹿原唐賁半千之莊蓮塘竹徑醴醕架海棠洞會京堂花塢藥畦碾磨麻稻里諺曰上有天堂下有賁莊

范氏莊 本唐杜岐公郊居朱黑軍中范公自侍御史出買此莊於尚書郎胡拱辰自杜至范三易主矣今猶謂之御史莊有溪榭昂軒江間圖堂林館謂之范公五居

胡相別墅 在樊川元中書左丞胡恭範致仕於杜曲求買舍栽植梅竹引泉鑿池葺治賓館亭臺以爲幽棲之所

廉相泉園 元至元中平章廉希憲行省陝右愛秦中山水遂於樊川杜曲林泉佳處葺治廳館亭榭導泉灌園移植漢河東洛奇花異卉畦

分基布松檜梅竹羅列成行暇日同姚雪齋許魯齋楊紫陽商左山前進士邵大用來明之郭周卿張君美樽酒論文彈琴投壺燕樂於此

趙氏別墅 元至元甲子宣撫趙某於樊川陽陂就岡原夷壇葬考妣樹楸竹修葺園亭以爲別墅自號樊川釣叟中有安適堂歸潛洞趙公泉

李氏牡丹園 在安化門西杜城北五里元河東北路行省郎中李換子信之所葺信之不喜仕進日涉經史葺園治田爲事園植牡丹三四百窠他花稱是每花時遊者車馬闐咽篇章盈軸

最樂園 在長安縣西北隅秦藩築此爲遊宴之所中有臺池花榭選勝行樂非貴客騷人不

得遊賞名曰最樂

青門亭 去宮城十三里在長安故城之東即東陵種瓜之所

翡翠樓 在宣平坊南唐開元天寶間歌舞盛處

玉峰軒 在興教寺北松楸平原地形高爽南對玉案峰宋元豐中龍圖呂某祈禱太乙激道經是寺登北岡南瞰玉案今僧創軒爲登眺之所

長樂亭 在府城東北十里即灤水之西岸舊名灤坡宋陳堯咨守京兆作亭於上每有迎餞必至斯亭嘗作歌刻石亭中

三桂亭 在長安城南杜鵑水之陽乃宋諫議